



Yon Gid sou Òganizasyon Kominotè pou Imigran yo

*Mid-West Region
2019*

Tabmatyè

Mesaj sa a se yon Mesaj ki soti nan Biwo Edikasyon Bileng ak Lang Mondyal (Office of Bilingual Education and World Languages) nan Depatman Edikasyon Leta New York.....	3
Konsèy sou Dènnye Aksyon ki gen Rapò ak Imigrasyon.....	5
Kijan pou Itilize Gid sa a	7
Anyè Òganizasyon yo	8
1. Catholic Family Center (Rochester, NY)	8
2. Empire Justice Center (Rochester, NY)	8
3. IBERO American Action League (Rochester, NY).....	8
4. Islamic Center of Rochester (Rochester, NY)	9
5. Lake Avenue Baptist Church (Rochester, NY)	9
6. Mary's Place (Northwest Rochester, NY)	9
7. Mercy Bridges (Rochester, NY).....	9
8. PathStone Corporation (Rochester, NY)	10
9. Refugees Helping Refugees (Rochester, NY).....	10
10. Rochester City School District Bilingual Education Council (Rochester, NY).....	10
11. Rochester Refugee Resettlement Services (Rochester, NY)	10
12. Rochester Rehabilitation Employment Services (Rochester, NY).....	11
13. Saathi of Rochester, Inc. (East Rochester, NY).....	11
14. Saint's Place (Pittsford, NY).....	11
15. Somali Community Outreach & Education Center, Inc. (Rochester, NY)	11
16. Worker Justice Center of New York, Inc. (Rochester, NY)	12
Resous Toupatou nan Eta a.....	13
Òganizasyon Kominotè Toupatou nan Eta a	14
Remèsiman	16

Objektif dokiman sa a, *Yon Gid sou Òganizasyon Kominotè pou Imigran yo* se pou sèvi kòm resous pou piblik la. Depatman Edikasyon Leta New York (New York State Education Department, NYSED) pa kontwole ni garanti kalite sèvis yo bay nan òganizasyon ki make sou lis la, ni nonplis tou se pa poutèt li fè referans ak yon òganizasyon ki vle di oswa ki siyifye NYSED andose òganizasyon an ak tout sèvis li bay yo.

* Òganizasyon an bay tout moun sèvis, kèlkeswa afilyasyon relijye yo.

Mesaj sa a se yon Mesaj ki soti nan Biwo Edikasyon Bileng ak Lang Mondyal (Office of Bilingual Education and World Languages) nan Depatman Edikasyon Leta New York.

Lè yon kominote gen paran, responsab legal ak lòt moun ki jwe yon wòl parantal ki enfòm e ki otonòm se bagay ki kritik pou asire Aprenan Plizyè Lang (Multilingual Learners, MLL yo)/ Aprenan Lang Angle yo (English Language Learners, ELL yo) resevwa bonjan sipò yo bezwen an e pou yo pwospere. Biwo Edikasyon Bileng ak Lang Mondyal (OBEWL) nan Depatman Edikasyon Leta New York la kreye **Yon Gid sou Òganizasyon Kominotè pou Imigran yo** ki bay yon lis òganizasyon ki toupatou nan Leta New York. Chak òganizasyon sa yo ofri yon varyete sèvis. Pami sèvis yo bay yo, gen defans ak angajman kominotè, swen medikal ak asirans, lojman, travay ak anlwa, sèvis legal ak estati legal, asistans piblik, pwoteksyon, ak sèvis pou jenn yo ak edikasyon. Sèvis sa yo ka itil pou paran ak kominote yo.

OBEWL pran angajman pou l sipòte MLL yo/ELL yo ak fanmi yo toupatou nan leta New York. Nou ankouraje paran MLL yo/ELL yo ak ansyen MLL yo/ELL yo pou yo kontakte òganizasyon sa yo lè yo bezwen asistans. Lè fanmi yo jwenn sipò pou sa yo bezwen, timoun yo vin gen yon bon baz ki pèmèt yo vin gen siksè sou plan akademik e sa prepare yo tou pou kolèj ak karyè yo.

Epitou OBEWL pwodui plizyè resous pou paran MLL yo/ELL yo ke ou ka byen twouve ki itil:

- **Resous pou Paran timoun ki se Aprenan Plizyè Lang/ Aprenan Lang Angle-** La a, ou pral jwenn enfòmasyon ki esplike kijan yo idantifye timoun yo antanke MLL; jan de pwogram ki disponib pou MLL yo/ELL yo; kilè elèv yo ka soti nan pwogram MLL/ELL yo ni nan sèvis yo bay yo; ak kijan paran yo ka jwenn enfòmasyon adisyonèl, materyèl ak resous nan lekòl lokal yo.
<http://www.nysed.gov/bilingual-ed/english-language-learnermultilingual-learner-parent-resources>
- **Yon Gid pou Paran timoun ki se Aprenan Plizyè Lang/ Aprenan Lang Angle nan Leta New York-** Sa a se yon ti liv ki gen dis paj ki bay deskripsyon pwogram Edikasyon Bileng ak Angle kòm yon Nouvo Lang; ki gen Kesyon Moun Poze Souvan sou MLL yo/ELL yo; Reyalite sou Bilengwis ak Edikasyon Bileng; lyen ki gen resous pou paran elèv MLL/ELL, ak ti konsèy sou "Patisipasyon Ou nan Edikasyon Pitit Ou." Yo tradui ti liv sa a nan venn-senk lang, ikonpri nan dis lang elèv MLL/ELL yo plis pale lakay yo nan Leta New York yo.
<http://www.nysed.gov/bilingual-ed/guide-parents-english-language-learnersmultilingual-learners-new-york-state>
- **Dwa Paran yo-** Dokiman sa a fè yon rezime sou dwa kritik ki konsène aksè nan edikasyon ak pwogramasyon pou elèv MLL yo/ELL yo ak paran yo. Yo mete rezime sou dwa esansyèl sa yo nan yon fòm ki gen yon paj referans ki byen fasil pou li, epi yo tradui l nan venn-sèt lang.
<http://www.nysed.gov/bilingual-ed/parents-bill-rights-new-york-states-english-language-learnersmultilingual-learners-ell>

- **Liy Asistans Telefonik pou Paran timoun ki se Aprenan Plizyè Lang/ Aprenan Lang Angle-** Yo kreye liy asistans telefonik sa a pou bay paran, responsab legal ak lòt moun ki jwe wòl paran pou timoun MLL yo/ELL yo, enfòmasyon sou dwa yo ak sou sèvis ki disponib pou pitit yo, konfòmman ak Règleman Komisyonè 154 (Commissioner's Regulation 154). Epitou li gen yon sistèm ladann pou reponn kesyon byen presi sou fason yo bay sèvis sa yo. **Nimewo telefòn nan:** (800) 469-8224
<https://steinhardt.nyu.edu/metrocenter/ellparenthotline>
- **Gid pou Paran NYSITELL ak NYSESLAT-** Gid sa yo bay yon espikasyon sou 2 nan tès evalyasyon ki evalye nivo/ konpetans nan lang Angle pou elèv ke Angle se pa lang manman yo oswa se pa lang yo pale lakay yo. Yo tradui gid yo nan venn-de lang.
<http://www.nysed.gov/bilingual-ed/nysitell-and-nyseslat-parent-guides>
- **Videyo Oryantasyon pou Paran: Pwogram pou Aprenan Plizyè Lang/Aprenan Lang Angle nan Leta New York, disponib nan 10 lang-** Videyo ki fèt ak desen anime sou fon blan sa a dekri metòd yo itilize pou idantifye ak evalye MLL/ELL yo; lèfini li dekri an detay plizyè opsyon pwogram ki disponib. Epitou videyo a dekri diferans ki genyen ant pwogram Angle kòm yon Nouvo Lang (English as a New Language) ak divès modèl pwogram Edikasyon Bileng (Bilingual Education) yo.
<http://www.nysed.gov/bilingual-ed/parent-orientation-video-english-language-learner-ell-programs-new-york-state>
Tèks Naratif Videyo a disponib tou nan 9 lòt lang.
<http://www.nysed.gov/bilingual-ed/parent-orientation-video-english-language-learner-ell-programs-new-york-state>
- **Chimen Kolèj pou Aprenan Plizyè Lang/Aprenan Lang Angle-** Yon Gid Pou Antre Nan Kolèj pou Aprenan Plizyè Lang/Aprenan Lang Angle nan Leta New York.
<http://www.nysed.gov/bilingual-ed/roadmap-college>
- Metsouli, chak biwo nan Depatman Edikasyon Leta New York la kreye plizyè resous pou sipòte paran. Pou ka jwenn lis ki gen tout biwo Depatman an, ale nan:
<http://www.nysed.gov/about/program-offices>

Konsèy sou Dènnye Aksyon ki gen Rapò ak Imigrasyon

Depatman Edikasyon Leta New York (NYSED) pran angajman pou l asire l lekòl nou yo rete yon refij kote tout elèv ka aprann an tout sekirite. NYSED ansanm ak Biwo Pwokirè Jeneral nan Leta New York la soumèt konsèy suivan yo pou pwoteje elèv ki se imigran yo.

Enfòmasyon ki konsène kondisyon imigrasyon yo:

- ❖ Selon Lwa sou Edikasyon nan Leta New York la, tout timoun ki gen plis pase senk lane epi mwens pase venteyen lane daj epi ki pako resevwa yon diplòm lekòl segondè gen dwa pou yal nan lekòl piblik nan distri lekòl kote yo abite a san yo pa peye frè eskolarite kèlkeswa kondisyon sitwayènte oswa kondisyon imigrasyon yo.
- ❖ Nan ka Plyler v. Doe (Plyler kont Doe), Kou Siprèm Amerikèn nan te deklare ke distri lekòl yo paka refize elèv yon edikasyon piblik gratis poutèt yo pa gen papye oswa poutèt yo pa sitwayen ameriken, oswa sou baz estati paran oswa responsab legal yo.
- ❖ Lè enskripsyon yo, lekòl yo pa fèt pou poze kesyon ki ka revele kondisyon imigrasyon yon timoun, sètadi yo pa dwe mande pou yon nimewo Sekirite Sosyal.
- ❖ Konsènan kesyon U.S. Immigration and Customs Enforcement (ICE) poze, ikonpri demann yo soumèt pou rankontre oswa entèvyouve elèv, oswa demann pou aksede dosye elèv yo, anplwaye distri lekòl yo fèt pou konsilte sipè-entandan yo ak avoka ki reprezante lekòl yo imedyatman pou konnen si lè yo onore yon tèt demann sa ka lakòz distri a vyole yon lwa aplikabilite jeneral, ki enkli lwa New York Family Court Act (NYFCA) [Lwa pou Tribinal ki Trete Ka Familyal nan New York] ak lwa federal Family Educational Rights and Privacy Act (FERPA) [Lwa sou Dwa Edikasyon Familyal ak sou Pwoteksyon Vi Prive].

Enfòmasyon konsènan diskriminasyon, asèlman ak entimidasyon nan lekòl yo:

- ❖ Lwa Dignity for All Students Act (DASA) [Lwa Diyite pou Tout Elèv] nan Leta New York la te pwomilge nan lane 2012 pou bay elèv yo yon anviwònman san danje e ki ankourajan, san diskriminasyon, san asèlman, ak san entimidasyon anndan enstalasyon lekòl la, nan otobis lekòl epi/oswa nan yon aktivite eskolè, epi yo te amande lwa sa a nan lane 2013 pou li enkli entimidasyon vityèl (pa mwayen elektwonik).
- ❖ NYSED bay distri, paran ak responsab legal yo sipò lè yo gen kesyon konsènan DASA. Ou ka kontakte Depatman an nan:
 - The Office of Bilingual Education and World Languages (Biwo Edikasyon Bileng ak Lang Mondyal) nan (718) 722-2445 oswa nan obewl@nysed.gov.
 - The Office of Student Support Services (Biwo Sèvis Asistans Elèv la) nan (518) 486-6090 oswa nan studentsupportservices@nysed.gov.
 - Si ou bezwen èd ki gen rapò ak lang, kontakte Liy Asistans Telefonik pou Paran nan Language Regional Bilingual Education Resource Network (RBERN) nan (800) 469-8224 oswa ale nan nysparenthotline@nyu.edu.
- ❖ Pou ka gen yon kopi ofisyèl sou kominikasyon ak tradiksyon sa yo, tanpri ale nan: <http://www.nysed.gov/bilingual-ed/information-regarding-recent-immigration-related-actions>.

Konsèy biwo Gouvènè New York la bay:

- ❖ Selon Lòd Egzekitif 170 Gouvènè Andrew M. Cuomo te siyen an, ajans ak fonksyonè Leta New York yo pa gen dwa pou yo poze kesyon oswa revele enfòmasyon sou kondisyon imigrasyon okenn moun, amwenske lalwa egzije yo fè

I oswa si i nesesè pou detèmine elijibilite pou resevwa yon benefis oswa sèvis. Lòd sa a valab pou ofisye polis yo tou amwenske yap mennen ankèt sou aktivite kriminel. Ale la a pou ka li lòd egzekitif la: <https://www.governor.ny.gov/news/governor-cuomo-signs-executive-order-prohibiting-state-agencies-inquiring-about-immigration>.

- ❖ Biwo Gouvènè Leta New York la reyafime sipò l pou imigran yo, lèfini li anonse lap pran plizyè inisyativ, tankou kreye yon nouvo Inite kont Krim Rayisab nan Lapolis Leta a (State Police Hate Crimes Unit) ki gen pou misyon envestige krim rayisab potansyèl; agrandi Lwa sou Dwa Imen nan New York (New York's Human Rights Law) pou l pwoteje tout elèv toupatou nan leta a; ak fonde Biwo ki jere Fon pou Defans Legal Imigran ak Nouvo Ameriken (Office of New Americans and Immigrant Legal Defense Fund) pou l asire l tout imigran ka jwenn enfòmasyon ak moun ki pou defann yo. Ale la a pou ka wè kominike Gouvènè a: <https://www.ny.gov/programs/we-are-all-immigrants>.

Kijan pou Itilize Gid sa a

Depatman Edikasyon Leta New York kwè toutbon ke edikasyon yon timoun pa fèt nan salklas sèlman, men li fèt tou lakay yo ak nan kominote yo. Nan anyè sa a, gen yon lis òganizasyon kominotè ki nan **Mid-West region** ki ofri diferan sèvis ki ka itil pou imigran New York yo.

- ❖ Anyè a bay non òganizasyon yo, adrès yo, enfòmasyon pou kontakte yo, yon ti deskripsyon sou sèvis yo ofri yo ak nan ki lang yo bay sèvis sa yo.
- ❖ Yo mete òganizasyon yo pa òd alfabetik.
- ❖ Laplipa sèvis ki sou lis la gratis. Sepandan gen kèk ladan yo ki pa gratis. Toujou konfime pri a ak òganizasyon an anvan menm ou itilize sèvis yo bay yo.
- ❖ Pou ka asire w pwogram yo disponib, yo rekòmande pou rele òganizasyon an davans.

Senbòl fonce ki parèt sou kote chak òganizasyon reprezante sèvis li bay yo.



Defans ak Angajman Kominotè



Swen Medikal ak Asirans



Lojman



Travay ak Anplwa



Sèvis Legal ak Eitati Legal



Asistans Piblik



Pwoteksyon



Sèvis pou Jenn ak Edikasyon

Anyè Òganizasyon yo

1. Catholic Family Center (Rochester, NY)

Lang: Angle, Indi, Ongwa, Woumen, Panyòl
87 N. Clinton Ave., Rochester, NY 14604
Telefòn: (585) 546-7220

<https://www.cfrochester.org/our-services/welcoming-refugees/>

Li bay sèvis imigrasyon tankou chanjman estati imigrasyon, natiralizasyon, reyini fanmi ak konsèy legal. Epitou li gen yon pwogram relokalizasyon refijye, kou sou konesans pou travay ak sèvis lang. Pami lòt sèvis jeneral yo gen asistans pou lojman, manje, konsèy pou sante mantal, sèvis pou moun aje. Li desèvi tout moun, kèlkeswa relijyon yo.



2. Empire Justice Center (Rochester, NY)

Lang: Angle, Panyòl, men li gen teknoloji ki ka tradui nan lòt lang yo tou
One West Main Street Ste. 200, Rochester, NY 14614
Telefòn: (585) 454-4060

<https://empirejustice.org/>

Yo angaje nan litij, nan règleman ak fòmasyon pou ranfòse dwa legal moun ki abite nan New York ki pòv, ki andikape oswa ki pa gen dwa fondamantal, nan diferan domèn. Sèvis imigrasyon ki konsantre sou imigran ki viktim krim, li enkli asistans benefis gouvènman ak defans legal ak asistans teknik.



3. IBERO American Action League (Rochester, NY)

Lang: Angle, Panyòl
817 East Main St., Rochester, NY 14605
Telefòn: (585) 256-8900

<http://iaal.org/>

Li bay sèvis pou timoun, pou jèn yo, pou paran ak moun ki gen andikap nan devlopman; li genyen tou yon sant edikasyon pou timoun piti, asistans pou sèvis fanmi, parennaj, jesyon sante, asistans pou lwe kay, pwogram manje, referans ak pwogram abilitasyon.



4. Islamic Center of Rochester (Rochester, NY)

Lang: Arab, Angle

727 Westfall Rd., Rochester, NY 14620

Telefòn: (585) 442-0117

<http://www.theicr.org/>

Li ofri Mizilman nan zòn Rochester yo edikasyon Izlamik, konsèy ak sèvis relijye. Li gen ladann aktivite kominotè, sipò finansye, edikasyon pou jèn ak adilt, epi fowòm.



5. Lake Avenue Baptist Church (Rochester, NY)

Lang: Birman, Chin, Angle, Franse, Alman, Kachin, Karenn, Karenni, Panyòl

72 Ambrose St., Rochester, NY 14608

Telefòn: (585) 458-5765

<http://www.lakeavebaptist.org/>

Se yon Legliz Batis Ameriken, multi-kiltirèl, ki gen ministè ak fè sèvis Kreyen. Li gen yon pwogram sansibilizasyon Birman ki jere ka yo, e li jere lòt gwoup kominotè ak pwogram tou.



6. Mary's Place (Northwest Rochester, NY)

Lang: Angle

414 Lexington Ave., Rochester, NY 14613

Telefòn: (585) 270-8626

<http://www.marysplaceoutreach.org/>

Se yon sant sansibilizasyon pou refijye ki ofri sèvis tankou kou Angle, sèvis jesyon ka, ak distribisyon manje ak rad.



7. Mercy Bridges (Rochester, NY)

Lang: Angle

1437 Blossom Rd., Rochester, NY 14610

Telefòn: (585) 288-2710

<http://www.mercybridges.org/>

Li gen volontè ki bay refijye ak imigran nan zòn Rochester, leson patikilye ann Angle nan lekti ak ekriti.



8. PathStone Corporation (Rochester, NY)

Lang: Angle, Panyòl
 400 East Ave., Rochester, NY 14607
 Telefòn: (800) 888-6770
<https://pathstone.org/>

Li gen pwogram devlopman mendèv, pwogram pou byen derape (head start), sekirite nan travay, prevansyon kont abi sibstans, sèvis dijans, devlopman kominotè, ak sèvis lojman.



9. Refugees Helping Refugees (Rochester, NY)

Lang: Arab, Angle, Franse, Somali, Swayili
 259 Rutgers St., Rochester, NY 14607
 Telefòn: (585) 563-7747
<https://rhrroc.org/>

Li bay refijye ak imigran sèvis tankou kou Angle pou Moun ki Pale Lòt Lang (English for Speakers of Other Languages), fòmasyon pwofesyonèl nan jesyon dosye ak sèvis pou granmoun aje.



10. Rochester City School District Bilingual Education Council (Rochester, NY)

Lang: Angle, Panyòl
 131 W. Broad St., Rochester, NY 14614
 Telefòn: (585) 324-9999
<https://www.rcsdk12.org/bec>

Li bay paran mwayen yo bezwen pou defann ak sipòte timoun yo epi li sipòte pwogram edikasyon bileng ki efikas nan distri lekòl vil la.



11. Rochester Refugee Resettlement Services (Rochester, NY)

Lang: Arab, Angle, Franse, Ganeyen, Indi, Karenn, Karenni, Nepalè, Pachto, Somali
 759 Dewey Ave., Rochester, NY 14613
 Telefòn: (585) 319-3134
<https://www.rochesterrefugeenetwork.org/rrrs/>

Li bay sèvis ak resous konplè pou refijye yo kòm paregzanp pwogram antrènman medikal, kou Angle, antrènman chofè, resous transpò ak pwogram kominotè. Eitou li konekte ak pwogram kominotè yo tankou pwogram alfabetizasyon, kominote etnik ak resous pou antre nan kolèj ak inivèsite.



12. Rochester Rehabilitation Employment Services (Rochester, NY)

Apade Angle, lòt lang yo disponib sou demann

1357 University Ave Rochester, NY 14607

Telefòn: (585) 263-2690

<https://www.rochesterrehab.org/employment-connection>

Sèvis pou jwenn travay, antrènman pou konpetans nan travay, ak pwogram edikatif pou refijye ki poko gen 5 lane nan peyi a.



13. Saathi of Rochester, Inc. (East Rochester, NY)

Lang: Bengali, Angle, Gòrki, Goujarati, Indi, Kannada, Malayalam, Marathi, Ponnjabi, Tamil, Telougou, Oudou ak lòt lang yo pale nan Sid Azi.

P.O. Box #92, East Rochester, NY 14445-9998

Telefòn: (585) 234-1050

<https://www.saathiofrochester.org/>

Li bay Azyatik nan Sid ki sibi vyolans domestik yo sèvis. Pami sèvis li bay yo genyen, yon liy telefonik pou asistans, entèvansyon lè gen kriz, planifikasyon sekirite, sèvis imigrasyon, asistans legal al akonpayman nan tribinal, asistans pou lojman san danje ak relokalizasyon, konsèy pou edikasyon ak karyè, konsèy finansye, defans ak referans.



14. Saint's Place (Pittsford, NY)

Lang: Angle

467 South Main St., Pittsford, NY 14534

Telefòn: (585) 385-6860

<http://www.saintsplace.org/>

Li bay nouvo fanmi ki vin abite nan zòn Monroe County rad ak mèb/atik menaje, kou Angle kòm yon Dezyèm Lang (English as a Second Language) pou adilt, èd ak sa imigrasyon mande pou vin sitwayen Ameriken, asistans pou jwenn travay, ak leson patikilye pou timoun tou.



15. Somali Community Outreach & Education Center, Inc. (Rochester, NY)

Lang: Arab, Angle, Somali

207 Tremont St., Rochester, NY 14608

Telefòn: (585) 694-1283

Li gen pwogram pou refijye ak imigran ki soti nan peyi tankou Bouwoundi, Birma, Irak ak Afganistan. Pami pwogram li ofri yo gen referans travay, sèvis tradiksyon ak entèpretasyon, pwogram apre lekòl, pwogram pou jèn yo, asistans pou lojman, gadri pou timoun, sèvis transpò, jesyon dosye ak konsèy, ak sèvis pou sitwayènte.



16. Worker Justice Center of New York, Inc. (Rochester, NY)

Lang: Angle, Panyòl

1187 Culver Rd., Rochester, NY 14609

Telefòn: (585) 325-3050

<http://www.wjcny.org/>

Li bay sèvis legal ak sèvis defans pou dwa travayè, sekirite nan travay, vyolans domestik ak trafik moun. Eitou li gen pwogram angajman kominotè ak edikasyon legal tankou seminè sou Know Your Rights (Konn Dwa Ou).



Resous Toupatou nan Eta a

Gid Resous pou Imigran nan Leta New York (**New York State Immigrant Resource Guide**)

<https://www.ny.gov/we-are-all-immigrants/new-york-state-immigrant-resource-guide>

Gid Resous pou Imigran nan Leta New York (The New York State Immigrant Resource Guide) ofri yon lis konplè ki gen ajans gouvènman leta yo ki ka bay sèvis nan domèn kominikasyon nan lang, krim ak diskriminasyon, sèvis legal, pwoteksyon konsomatè, sèvis sante, asistans finansyè ak angajman kominotè.

2-1-1 New York

<https://211nys.org/>

Rele 211 sou telefòn ou an pou sèvis enfòmasyon gratis, ki pa ijans ki konekte w ak sèvis sante ak sèvis yo bay moun. Gen operatè ki pale plizyè lang. Epitou ou ka jwenn enfòmasyon yo bay sou sèvis yo sou entènèt la.

Boards of Cooperative Educational Services (BOCES) of New York State

<https://www.boces.org/>

BOCES ofri pwogram ak sèvis edikasyon ki pataje bay pratikman tout distri lekòl yo, esepite “Big Five (Senk Pi Gwo yo)” (New York City, Buffalo, Rochester, Yonkers, ak Syracuse). Pami sèvis yo bay yo gen pwogram pou karyè ak pwogram teknik pou elèv lekòl segondè, sèvis pou elèv andikap, lekòl dete, ak pwogram alfabetizasyon ak fòmasyon pwofesyonèl pou travay pou adilt. Chèche biwo lokal BOCES la nan sitwèb ki make anwo a.

New York State Division of Human Rights (DHR)

<https://dhr.ny.gov/>

DHR ranfòse lwa sou Dwa Imen nan New York yo, ki entèdi diskriminasyon nan anplwa, lojman, kredi, kote ki gen akomodasyon piblik, ak enstitisyon edikatif ki pa fè pati yon sèkt, diskriminasyon ki baze sou laj, ras, orijin nasyonal, sèks, oryantasyon seksyèl, kondisyon marital, andikap, kondisyon militè ak lòt klas byen presi. Ou ka pote plent poutèt pratik diskriminatwa pou DHR envestige, nan sitwèb yo oswa nan (888) 392-3644.

New York State Office for New Americans (ONA)

<https://www.newamericans.ny.gov/>

ONA opere 27 **Sant Opòtinite (Opportunity Centers)** ki baze nan katye. Sant sa yo ofri plizyè sèvis gratis, ikonpri asistans legal, kou Angle-pou-Moun-ki-Pale-Lòt-lang (ESOL), asistans pou natiralizasyon, fòmasyon pou antreprenè ak sesyon enfòmasyon pou konn kijan pou jwenn sèvis leta bay yo. Lè w rele liy asistans **New York State New Americans Hotline** (1-800-566-7636), gen moun ki pale plizyè lang ki bay enfòmasyon gratis e konfidansyèl sou imigrasyon e ki bay rekòmandasyon tou pou moun jwenn asistans an tout konfyans nan plis pase 200 lang.

Office of Bilingual Education and World Languages (OBEWL)

<http://www.nysed.gov/bilingual-ed>

OBEWL nan New York State Education Department bay konsèy ak resous pou Aprenan Lang Angle (ELL)

yo)/Aprenan Plizyè Lang (MLL yo). Nan sitwèb la yo ofri règleman ak memorandòm ki ajou; epi yo ofri resous pou paran ak nimewo telefòn asistans pou fanmi elèv ELL/MLL nan lekòl New York yo.

Òganizasyon Kominotè Toupatou nan Eta a

American Immigration Lawyers Association – New York Chapter

<http://www.ailany.org/>

American Immigration Lawyers Association se yon asosyasyon avoka ki pratike e ki anseye dwa sou imigrasyon. Yo reprezante dè dizèn de milye biznis ak endistri Ozetazini, etidyan etranje, atis, atlèt, ak moun kap mande azil, souvan sou baz *pro bono* (*gratis*).

Asian American Federation

<http://www.aafny.org/>

Asian American Federation reprezante ajans sèvis kominotè rezo pàn-Azyatik nan zòn Nòdès la. Yo travay nan domèn rechèch, defans règleman, konsyantizasyon piblik, ak devlopman òganizasyonèl nan domèn sante ak sèvis imen, edikasyon, devlopman ekonomik, patisipasyon sivik, ak jistis sosyal.

Empire Justice Center

<https://empirejustice.org/>

Empire Justice Center se yon òganizasyon ki toupatou nan eta a kap chèche ranfòse dwa legal moun ki nan New York ki pòv e ki pa gen dwa fondamantal. Yo bay fòmasyon, sipò ak asistans teknik pou sèvis legal, yo ofri moun asistans legal dirèk nan domèn sivil, epi yo angaje yo nan analiz règleman, rechèch ak defans.

Hispanic Federation

<https://hispanicfederation.org/>

Hispanic Federation se yon òganizasyon nasyonal ki gen manm ki enskri ladann e ki pa travay pou pwofi. Li travay nan domèn edikasyon, sante, imigrasyon, angajman sivik, emansipasyon ekonomik ak anviwònman an. Yo bay gwoup manm yo sèvis epi yo defann enterè Latino yo ak administre pwogram asistans kominotè ak sèvis sosyal dirèk.

Immigrant Defense Project

<https://www.immigrantdefenseproject.org/>

Immigrant Defense Project travay pou l asire egalite ak jistis pou imigran ki Ozetazini atravè fòmasyon ak konsèy, litij ki gen enpak, defans, angajman ak edikasyon kominotè, kominikasyon ak fè pase mesaj. Yo ofri resous pou kominote ak avoka yo, epi yo gen yon liy asistans telefonik espesyal pou bay moun konsèy legal gratis.

International Refugee Assistance Project (IRAP)

<https://refugeerights.org/>

International Refugee Assistance Project bay èd legal dirèk *pro bono* (*gratis*), litij, ak defans pou refijye ak moun yo deplase, ansanm ak enfòmasyon ak resous pou popilasyon sa yo.

National Association for the Advancement of Colored People (NAACP)

<https://www.nysnaacp.org/>

NAACP travay pou l defann egalite sou plan politik, edikasyon, sosyal ak ekonomik pou tout sitwayen. Epi li travay pou yon sosyete kote tout moun gen menm dwa san diskriminasyon ki baze sou ras. Yo travay nan domèn angajman sivik, jistis kriminel, edikasyon, sante ak estabilite ekonomik.

New York Civil Liberties Union (NYCLU)

<https://www.nyclu.org/>

New York Civil Liberties Union goumen pou libète sivil ak dwa sivil atravè yon pwogram litij plizyè nivo, defans, edikasyon piblik, ak òganizasyon kominotè. NYCLU gen wuit (8) biwo nan Leta New York epi l bay sèvis legal, enfòmasyon ak resous pou reyaji kòm sadwa parapò ak vyolasyon dwa sivil.

New York Immigrant Coalition (NYIC)

<https://www.nyic.org/>

New York Immigrant Coalition se yon òganizasyon ki mennen yon politik jeneral e ki defann dwa moun. Li reprezante plis pase 200 imigran ak gwoup ki defann dwa refijye toupatou nan New York. Yo pran angajman pou yo kontakte elektè ak fè mobilizasyon, yo ofri dokiman ki bay bon jan enfòmasyon nan plizyè lang sou kesyon ki konsène imigran, yo milite an favè lwa ak règleman, epi chak ane yo òganize sesyon enfòmasyon ak prezantasyon sou lwa imigrasyon ak lòt pwoblèm ki afekte imigran.

Parent-Child Home Program (PCHP)

<http://www.parent-child.org/>

Rezo ki chaje ak lokal pou pwogram Parent-Child Home Program bay fanmi ki pa gen anpil revni zouti ak konesans yo bezwen pou asire timoun yo atenn tout potansyèl yo nan lekòl ak nan lavi. Yo gen 29 lokal atravè New York ki angaje nan vizit adomisil, nan distribisyon resous edikatif, ak nan preparasyon akademik.

Protecting Immigrant New Yorkers (PINY)

<https://protectingimmigrants.org/>

Protecting Immigrant New Yorkers se yon gwoup moun kap travay sou sipèvizyon New York Immigrant Coalition ki kowòdone ant ajans gouvènman ak òganizasyon kominotè yo pou konbat fwòd nan sèvis imigrasyon. Yo fè pwomosyon pou pratik imigrasyon egzanplè, yo ankouraje dialòg, yo kowòdone aplikasyon lalwa kont moun kap fè fwòd, yo pibliye dokiman tankou kanpay piblisite sou konsyantizasyon piblik, feyè "konn-dwa-w", ak konsèy pou konsomatè pa viktim moun kap fè fwòd.

Remèsiman

Nou ta renmen remèsye patikilyèman tout moun ki te bay patisipasyon yo pou nou te ka kreye gid sa a. Metsouli, nou apresye asistans enstitisyon suivan yo te bay:

Advocates for Children
❖
Education Trust NY
❖
Hispanic Federation
❖
New York Immigration Coalition
❖
Regional Bilingual Resource Networks (RBERNs)

OFFICE OF BILINGUAL EDUCATION AND WORLD LANGUAGES
<http://www.p12.nysed.gov/biling/bilinged/> OBEWL@NYSED.GOV

